

Broj: 03-02/2-343/22 EB
Sarajevo, 17.02.2022. godine

Primljeno: 21-02-2022			
Org. jed.	Broj	Priloga	Vrijednost
05/2	-02-	43	122

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
n/r gosp. Damir Jurišić, delegat

PREDMET: Odgovor, dostavlja se

Poštovani,

Federalnom ministarstvu rada i socijalne politike je aktom sekretara Doma naroda Parlamenta Federacije Bosne i Hercegovine broj: 05/2-02-43/21 od 02.02.2022. godine, u skladu sa članom 10. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), dostavljeno Vaše pitanje koje se odnosi na obavljanje prakse učenika strukovnih zanimanja kod poslovnih subjekata na području Federacije Bosne i Hercegovine.

S tim u vezi, sa aspekta nadležnosti Federalnog ministarstva rada i socijalne politike, dajemo sljedeći:

ODGOVOR

Zakonom o radu („Službene novine Federacije BiH“, br. 26/16 i 89/18), kao općim propisom, uređena su određena pitanja u vezi sa radnim odnosom, odnosno ostvarivanjem prava iz radnog odnosa, te se isti primjenjuje ako drugim zakonom ili međunarodnim ugovorom nije drugačije uređeno. U smislu navedenog, Zakon o radu predviđa da se rad za poslodavca može obavljati na osnovu ugovora o radu, odnosno ugovora o radu sa pripravnikom, na osnovu kojih se zasniva radni odnos sa poslodavcem, te na osnovu ugovora o obavljanju privremenih i povremenih poslova, odnosno ugovora o stručnom osposobljavanju bez zasnivanja radnog odnosa, na osnovu kojih se ne zasniva radni odnos sa poslodavcem. Shodno navedenom, obavljanje praktične nastave, odnosno prakse učenika kod poslovnih subjekata nije

predmet Zakona o radu, te se na pomenuta pitanja ne bi mogle primijeniti odredbe Zakona o radu. Obavljanje praktične nastave, odnosno prakse učenika je predmet propisa iz oblasti obrazovanja, kojim bi, između ostalog, trebao biti uređen način organizovanja i izvođenja praktične nastave kod poslovnih subjekata. Napominjemo da je obavljanje praktične nastave učenika kod poslovnih subjekata potrebno razlikovati od instituta stručnog osposobljavanja bez zasnivanja radnog odnosa koji je uređen Zakonom o radu. Naime, odredbom člana 34. stav 1. Zakona o radu propisano je da ako je stručni ispit ili radno iskustvo utvrđeno zakonom ili pravilnikom o radu uvjet za obavljanje poslova određenog zanimanja, poslodavac može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa. Shodno navedenom, ugovor o stručnom osposobljavanju bez zasnivanja radnog odnosa se može zaključiti sa licem koje ima stečene obrazovne kvalifikacije za rad u određenom zanimanju, a ne za obavljanje praktične nastave učenika koji su još uvijek u obrazovnom procesu.

Također, ističemo da pitanje poreznog tretmana određenih naknada koje bi proizlazile iz obavljanja učeničke prakse, odnosno praktične nastave nije u nadležnosti ovog ministarstva, već Federalnog ministarstva finansija, odnosno Porezne uprave Federacije BiH.



CO: Parlament Federacije Bosne i Hercegovine
Dom naroda
n/r gosp. mr. sci. Izmir Hadživdić, sekretar
(veza: Vaš akt broj: 05/2-02-43/21
od 02.02.2022. godine)